

111 年全國語文競賽原住民族語朗讀 【知本卑南語】 國小學生組 編號 2 號

mutitatutus na trau

aziyu ziya ulra sasa a alrak mingadan kani Haku, i tainataw mu kualeng
zi minatray lra, i temamataw mu, masalr mituruma'an za kazazuwa, zi
mialrak za tu wadi a ma'inay, tu pungadanay kani "Ameng". izu na venulas
kani tainataw mu salaw lraman kani waditaw, i Haku mu kemazu sahar kani
waditaw.

izu na venulas kani tainataw mu, kana ulra lra i Ameng mu, 'azi lra
sahar kani Haku, marayas nu iniyan i ruma' i temamataw mu, tu
pavavi'asaw za zandum, tu padaderuwaw, tu paidapaw zi tu pararamesaw, tu
pauwayaw i dawilr mukuwa silrevana, zi tu pakikawiyaw... sazu atu
kiyakarunan, i Haku mu mareanger izu na venulas kani tainataw mu paailran
kani waditaw zi, 'azi kararuwa kikarun kana kiyakarunan i ruma' kemaku.

nu iniyan i ruma' i temamataw mu, nu maekan i Haku mu, tu
pasiyaway kana zandum na siyaw, 'azi muai paekan za 'alum za kulang, nu
kualeng i Haku mu 'azi kamenana'uan, zi tu kaselruwaw ziya za "nu
dariw mu tikualaleng u." i Haku nu kualeng mu awa ziya kikaruna, nu
piwariwari mu, nu 'azi tu tengdi mu tu kaselruwaw, maranger pakakuatreng
kanintaw, zi minatraya.

ulra saya wari, izu na venulas kani tainataw mu, melak za saluvukan na
radis na zinerem kana vi'as na zandum, tu vavususaw marengay za "na
zinerum kana vi'as na zandum na radis mu, ta salemanay mu dika ma'izang,
nu tememlriw mu, kararuwa u lra mulusu kemay zenan." tu vulas ni
tainataw i Haku melak za saluvukan za radis za 'azi zinerem kana zandum tu
verayanay kani waditaw i Ameng, tu tarkengkengay marengay, nu piya u
semalem nu temelriw mu kadikadika muruma'. mahuahu awa i zenan i
dadalan mu, lraman kani waditaw i Haku, tu verayanay nantu radis na
zinerem kana vi'as na zandum kani waditaw tu rengayaw, " ini nanku radis
mu maw na zinerem kana vi'as na zandum, kadadika temelriw, kararuwa u
dikadika muruma'." piya marpadulun, mukuwa kana 'azi meresan tu
awayan i 'uma na zenan semalema kana radis. maw mu, i waditaw mu 'azi
lra pakauraruma', mazu nu ikakuwa ta mu, nantu isalem na radis mu maw
na zinerem kan vi'as na zandum wawai temelriw!

a mazalram lra i temamataw ini na venulas kani turuma'antaw mu,
salaw kuwatreng tu anger mu, pukasa kana 'ilremes. iniyan za kivavulriyan,
salaw kana maira zi mutitatutus izu na venulas kani turuma'antaw.

狠心後母變成老鼠的故事

從前有一位叫 Haku 的小男孩，他的媽媽生病死了，爸爸再娶了後母。後母生下了弟弟 Ameng」，後母很疼愛弟弟，哈古也喜歡弟弟。

後母因為有了 Ameng」，就更不喜歡 Haku，常在爸爸不在家的時候叫 Haku 燒水、煮飯、掃地、洗衣服，或到很遠的地方挑水、撿木材。

爸爸不在家時，Haku 只能喝湯，衣褲破了得自己縫補。Haku 生病時也不怎麼看顧，還罵他懶惰裝病，而且後母一直想要置他於死地。

有一天，要兄弟倆上山種花生，後母將泡過熱水的花生交給 Haku，騙他說泡過熱水的花生長比較快，發芽後就可以下山。後母則把沒泡熱水的花生給 Ameng」。

在出發上山的途中，好心的 Haku 因為相信後母的話，希望弟弟早點回家，便將花生交換了。

他們交換了之後，就各自上山。但是弟弟永遠也回不來了，因為泡過熱水的花生怎麼可能長出芽來呢！

當父親知道後母的壞心眼之後，非常震怒，後母無地自容，非常羞愧，變成了一隻老鼠。